



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Archiepiscopo & Archidiac. Senonen.

**urn:nbn:de:hbz:466:1-20006**

*ARCHIEPISCOPO  
& Archidac. Senonen.*

*Epiſt. 190.  
Clericos, qui  
casu puerum  
occiderat, ab-  
ſolvitur.*

**E**xposuit nobis dilectus filius M. Presbyter de Stabulis, quod cum olim invitatus à quibusdam pueris, de manu unius eorum arcum receperit & sagittam, & eam dirigere voluerit in arborem quae obstabat, manu errante sagitta eadem discurrens per aërem, puerum quendam valde distantem modicūm vulneravit in capite; propter quod idem puer creditur postmodum expirasse. Quod cum idem Presbyter bona memoria G. prædecessori tuo, frater Archiepiscopo, sponte curasset humiliiter confiteri, ipse pœnitentiam & contritionem ipsius attendens, super beneficio Ecclesiaz de Stabulis, quam in archidiaconatu tuo filii Archidiacone adeptus fuerat, misericorditer dispensavit, ut ipsum, quoad viveret, possideret; mandans eidem ut ad sedem apostolicam accederet, mandatis super officio apostolicis pariturus. Quia verò in hoc non ex voluntate, sicut afferit, sed casu deliquit, discretioni vestrae per apostolica scripta mandamus quatenus si verum est quod afferit, factam cum eo misericordiam attentes, quod à dicto Archiepiscopo factum est ratum habentes & firmum, eum super beneficio prædicto propter hoc nullatenus molesteti, aut patiamini ab aliis molestari. Datum &c.

*T R E C E N . E P I S C O P O .*

*Epiſt. 191.  
Ut plura bene-  
ficia habentes,  
relinquat co-  
gnatum & quod  
Clericos fuos,  
quando publica  
falsus postular,  
ad maiores or-  
dines incipien-  
dos compellere  
queat.*

**I**nuncti nobis officij ratione compellimur, & caritatis debito provocamur, fratibus & coepiscopis nostris in suis justis petitionibus favorem apostolicum impertiri: ut qui specialiter in partem nostræ sollicitudinis sunt vocati, tanto commissum sibi officium liberius exequantur, quanto se & jura sua majori viderint sedis apostolicae benignitate juvari. Eapropter, venerabilis in Christo frater, tuis justis precibus benigno concurrentes assensu, ad exemplar prædecessorum nostrorum felicis memoriae Lucij & Clementis Romanorum Pontificum auctoritate tibi præsentium indulgemus ut Clericos tuæ diocesis, qui contra statuta Lateranen. Concilij præcupiditatis ardore plures Ecclesias vel ecclesiastica beneficia detinere contendunt, cum de proventibus unius ipsi congrue valeant sustentari, ad canonis-

cum valeas reducere moderamen. Clericos verò Ecclesiaz tuæ, quos necessitas postulaverit ad sacros ordines promoveri, secundum privilegium M. prædecessori tuo & successoribus tuis à felicis record. Alexandro Papa prædecessore nostro indultum, liceat tibi, si idonei fuerint, nec de canonica poterint institutione repelliri, ad eosdem ordines suscipiendos secundum canonum instituta compellere, vel si inobedientes fuerint, animadversionis ecclesiasticae sententia cogere; nisi contra hoc alicui fuerit sedis apostolicæ auctoritate indulatum ut ad suscipiendos ordines non cogatur. Et quia Trecen. Ecclesia tuæ provisioni commissa, tuo debet moderatione gubernari, nec ullus in messem tibi creditam falcem debet ausu temerario mittere, præsentium auctoritate statuimus ut nulli subditorum tuorum liceat, post appellationem ad te rationabiliter factam, parochianos tuos excommunicatione percellere, vel commissas tibi Ecclesias supponere interdicto. Quod si præsumptum fuerit, sententiam decernimus non tenere; & si non præcedente appellatione sententia talis ab aliquo subditorum tuorum fuerit irrationaliter promulgata, sententiam talem valeas, prout justum fuerit, relaxare. Nullis literis institutioni canonice præjudicium facientibus à sede apostolica impetratis. Datum Romæ apud sanctum Petrum.

*SENONEN. ARCHIEPISCOPO  
& Trecen. Episcopo.*

**C**um omnes unum corpus simus in Christo, singuli autem alter alterius membra, non debent majores minoribus aut senioribus junioribus invidere; sed omnes qui in una Ecclesia uni Domino famulantur, pari gaudent libertate; cum pondus & pondus, mensura & mensura, utrumque abominabile sic apud Deum, & evangelicus paterfamilias pari mercede primos vineæ suæ operarios remuneraverit & extremos. Verum ad audienciam apostolatus nostri pervenit quod dilecti filii Trecen. Canonici, propriis inhiantes commodis, & aliorum profectibus invidentes, nouum fecerunt in Trecen. Ecclesia constitutum, ut eis tam in præsencia sua quam absencia redditus fuos ex integro percepturis, qui in eadem Ecclesia post illam institutionem fuerunt vel de cetero fue-

*Epiſt. 192.  
Ne quid in pro-  
prium commis-  
sorum & succe-  
dorum detri-  
mentum Cano-  
nici consti-  
tuant.*

O